





Parlamento Hubenil a instala su Directiva 2015-2016



ORANJESTAD(AAN)--Diaranson anochi, dia 3 di juni Asociacion Consejo Hubenil Aruba (A.C.H.A.) a instala su Directiva 2015-2016 na Parlamento di Aruba. E Directiva nobo ta consisti di: Eris Jean Magante Maestro, Haddasah Lamarre, Giovanni Villamizar, Judy Anne Magante Maestro, Jada Mejia, Igmarr Magaretha y Israel Rivers.

Pa e posicion di Presidente di Directiva A.C.H.A. 2015-2016 a instala Srta. Eris Jean Magante Maestro. Eris tin 21 aña di edad y ta representa su scol Colegio E.P.I sector

Hospitalidad y Turismo. Directiva A.C.H.A. su Vice-Presidente 2015-2016 ta Srta. Haddasah Lamarre. Haddasah tin 19 aña di edad y ta representa su scol Avond Havo.

Como Secretaria di Directiva Asociacion Consejo Hubenil Aruba a instala Sr. Giovanni Villamizar. Giovanni tin 15 aña di edad y ta representa su scol Colegio San Antonio.

Tambe a instala e Vice-Secretaria di e Directiva nobo cu ta Srta. Judy Anne Magante Maestro. Judy tin 16 aña di edad y ta representa su scol Maria College.

Pa e posicion di Vocera di Directiva A.C.H.A. 2015-2016 a instala Srta. Jada Mejia. Jada tin 17 aña di edad y ta representa su scol Colegio Arubano. Como Tesorero a instala

Sr. Igmarr Magaretha. Igmarr tin 21 aña di edad y ta representa Colegio E.P.I sector Economico.

Tambe Parlamento Hubenil a instala su Vice-Tesorero cu a keda den man di Sr. Israel Rivers. Israel ta e miembro mas jong den e Directiva nobo. E tin solamente 14 aña y ta representa su scol John Wesley Mavo.

A.C.H.A. tambe a instala su Consehero di e Directiva 2015-2016. Como Consehero a instala e ex Presidente di Directiva A.C.H.A. 2014-2015 Sr. Juan Pablo Aguirre-Broca. Juan Pablo tin 17 aña di edad y ta representa su scol Colegio Arubano.

E meta di e Directiva A.C.H.A. 2015-2016 ta pa

informa pueblo di Aruba mas di Parlamento Hubenil y pa cuminsa bishita mas scol, concientisa mas hoben y haya opinion di e hobenan.

Esaki ta pa e hobennan sa ki importancia y beneficio nan por tin den e comunidad di Aruba door di duna nan opinion.

E Directiva tin esaki tambe como meta pa sigui promove cu cada hoben tin derecho di participa y duna su opinion.

Fundacion Parlamento Hubenil Aruba y Asociacion Consejo Hubenil Aruba ta felicita tur e hobennan aki cu ta forma parti di Directiva A.C.H.A. 2015-2016 y ta desea nan tur clase di exito pa e siguiente añanan dilanti.